

№30-31
(7304-7305)
Жұма,
14 сәуір,
2017 жыл

Тұрар Рысқұлов аудандық газеті

Кулаи таны

Газет 1940 жылдың

мамыр айынан бастап шығады.

Оғни Күлчн

Газета району Тураа Рыскулова



Тәуелсіздікпен бірге келген мамандық

Халықаралық қатынастар саласындағы мамандарды дайындауды қолға алған еліміздегі алғашқы білім ордасы әл-Фараби атындағы Қазақ ұлттық университеті еді. 1992 жылдың қаңтар-ақпан айларында әл-Фараби атындағы Қазақ ұлттық университетінің профессоры Ж.О.Ибрашевтің бастамасымен, тәуелсіз Қазақстан Республикасының тұңғыш Сыртқы істер министрі Т.Ы.Сүлейменов пен министр орынбасары Қ.К.Тоқаевтың қолдауымен тарих факультеті шеңберінде жаңа мамандыққа алғашқы студенттер іріктеліп, Сыртқы істер министрлігі тарапынан құрылған комиссияның шешімімен бекітілген болатын. Халықаралық қатынастар бөлімі ашылғанда Қасым-Жомарт Тоқаев бастаған бір топ дипломаттар негізгі қызметтерін атқара жүріп, университеттің алғашқы түлектеріне дипломатиялық және консулдық қызмет саласына қатысты пәндерден дәріс оқыды.

Қазақстанда халықаралық қатынастар саласындағы алғашқы толыққанды мамандар 1995 жылы тұңғыш рет аталмыш университетте ашылған халықаралық қатынастар факультетін бітіріп шыққан болатын. Халықаралық қатынастар факультетінің тұңғыш деканы болған профессор Г.Жамбатырова да жаңа мамандықты жетілдіру саласында орасан зор еңбек етті. Өзінің адами қасиеттерімен қоса жан-жақты біліктілігін факультеттің қалыптасуы мен нығаюына арнаған болатын. Соның нәти-



жесінде халықаралық қатынастар факультеті шеңберінде халықаралық қатынастар, халықаралық құқық, аймақтану, әлемдік экономика саласының мамандары дайындалуда.

Бүгінгі күні әл-Фараби атындағы Қазақ ұлттық университеті әлемнің ең ірі 418 халықаралық жоғары оқу орындарымен ынтымақтастық орната отырып, заманауи халықаралық білім бағдарламаларын жүзеге асыруда. Әл-Фараби атындағы Қазақ ұлттық университеті ТМД университеттері арасында екінші орында тұр. Халықаралық QS рейтингісіндегі 800 университеттің ішіндегі үздік 250 университет қатарына еніп, 236-орынды иеленуінің өзі сапалы білім алуға кепілдік десе болады.

Университеттегі халықаралық қатынастар факультетінің түлектері еліміздің саяси-экономикалық және әлеуметтік-мәдени саласында өз білімдерін кеңінен пайдалануда. Олар халықаралық қатынастар саласымен ғана шектеліп қалмай, өз білімдерін жетілдіру барысында ел өмірінің барлық саласында қызмет етуде.

**А.ӘЛІПБАЕВ,
Б.БӨЖЕЕВА,**
әл-Фараби атындағы
ҚазҰУ халықаралық
қатынастар факультетінің
доценттері.

Директор-
Бас редактор
Түресынхан
ЖАМАНБАЕВ.

МЕКЕН-ЖАЙЫМЫЗ:

080900, Жамбыл облысы, Т.Рысқұлов ауданы,
Құлан ауылы, Жібек жолы көшесі, №34 үй.
Директор-Бас редактор – 2-12-09, Бас редактордың
орынбасары – 2-27-56, Бухгалтерия – 2-20-08,
Жауапты хатшы – 4-04-65, Тіпшілер – 2-19-27

Kulan_tany70@mail.ru

Газет қазақ және орыс тілдерінде аптасына екі рет сейсенбі және жұма күндері шығады.
Газет "Құлаи таны" редакциясының компьютер орталығында теріліп, беттеліп, баспаханасында басылды.
Газет мәдениет, ақпарат және қоғамдық келісім Министрі-
гінде 24.05.2001 жылы тіркеліп, тіркеу туралы №2008 Г куәлігі берілген

А - материалдың жариялану ақысы төленген.

Жауапты шығарушылар
**Р.САКАЕВА,
М.ӨТЕГЕНОВА.**
ТАРАЛЫМЫ: 3590
КӨЛЕМІ: 1 баспа табак
ТАПСЫРЫС: №30.